

SCRIPT OF MORNING GOJRI NEWS BULLETIN 23JAN 2025

1015HRS

مارننگ گوجری نیوز بولیٹن 23 جنوری 2025

LG SAMAGAM

لیفٹیننٹ گورنر منوج سنہا نے جاتے روز اتر پردیش مانہ شری ماباکنہ سماگم نال خطاب کیو اس موقع ور بولتاں واں اُن نے روحانی تے سماجی لیڈراں ور زور دتو جے وے اک بوغے مُلک ناں مضبوط بنان مانہ اپنو ضروری قردار ادا کریں جناب سنہا نے کہیو جے مہا کُنہہ میلو روحانیت تعلیم تے ملک غا رسم و رواج بارے اک تجربہ غی نشاندہی کرے۔

BADHAAL UPDATES

راجوری غا ضلع مجسٹریٹ نے ضلع گا بڈھال علاقہ مانہ جاری موتاں غا سلسلہ مانہ مزید انسانی جاتاں نانہہ بچان واسطے اقدام چاتا واں ضروری ہدایت جاری کی ہیں واضع رہ جے ۳ سکی بہناں سمیت ۱ ہور شخص ناں اج اسپتال بھرتھی کرایو گیو بے یاد رہ جے گزشتہ ۷۴ تہاڑاں غے دوران بیماری نال کوئے ۷۱ انسانی جان زائع ہوگئی ہیں اس سلسلہ مانہ سرکاری زریعاں نے جانکاری دیتا واں دسیو بے جے ان موتاں غو پتو لان غی خاطر داخلہ بارے مرکزی وزارت غی طرفوں تحقیقات کیا جان بارے اک ٹیم تشکیل دتی گئی بے جہیڑی جے لگاتار تحقیقات مانہ مصروف بے زریعاں نے دسیو بے جے گزشتہ روز ۶۱ توں ۲۲ سال غی عمر غی ۳ سکیم بہناں ناں علاج غی خاطر سرکاری میڈیکل کالج راجوری آنیوگیو بے یاد رہ جے ۲۲ سال غی تنظیم اختر ۸۱ سال غی خالدہ بگم تے ۶۱ سال غی نازیہ کوثر بڈھال گراں گا رنتھل موڑہ گا بسنیک باغ حسین غی تی دسی گئی ہیں زریعاں نے دسیو بے جے ان ناں ہنگامی تیاریاں ور راجوری گا ضلع ترقیاتی کمشنر ابھشیک شرما غی ہدایت ور ہوائی فوج غا جہاز غے زریعے راجوری اسپتال آنیو گیو بے اواں ۸۱ سالہ شبیم اختر ناں علاج خاطر سرکاری اسپتال جموں ٹوریو گیو بے واضع رہ جے ۵۲ سال گا ایجاز احمد نامی نوجوان غی نازک حالت ناں دیکھتا واں حکومت نے چندی گڑھ روانہ کیو بے جت ڈاکٹراں غی اک اعلیٰ ٹیم اُس غی عکلاج کر رہی بے اس سلسلہ مانہ زریعاں نے جانکاری دتی بے جے دہلی تیں وزیراں غی اک ٹیم نے وی کوثرنکا غا بڈھال علاقہ غو دورو لاغے اُت متاثرہ کُنباں نال ملاقات کی بے۔

DIV COM ADGP

جموں غا صوبائی کمشنر رمین کمار تے جموں کشمیر پولیس غا ایڈیشنل ڈائریکٹر جنرل جموں آنند جین نے جاتے روز ضلع راجوری غا بڈھال علاقہ غو دورو لاغے اُت انسانی جاتاں نانہہ بچان واسطے کی جارہی تیاریاں غو جائیزو لیو اس موقع ور راجوری غا ضلع ترقیاتی کمشنر ناں ہدایت کی گئی بے جے بڈھال غا متاثرہ کُنباں ناں سرکاری میڈیکل کالج راجوری مُنتقل کیو جے دورہ غے دوران سی اڈی۔پی۔او تے ہلاک ترقیاتی افسراں نانہہ ہدایت کی گئی ہیں جے وے انسانی جاتاں ناں بچان غی خاطر آپسی تال میل نال کم کریں۔

CM DEPUTATIONS

وزیر اعلیٰ عمر عبداللہ نے جاتے روز سیول سکٹریٹ جموں مانہ بکھ بکھ وفود نال ملاقات کرغے اُن غی طرفوں چایا گیا معاملہ نال غور نال سنیو واضع رہ جے اس موقع ور ضلع

ترقیاتی کونسل کشتواڑ غی چئیر مین پوجا ٹھاکر غی سربراہی آلا اک وفد نے ترقی تے روز گار بارے اپنی مانگاں ناں عمر عبدالله غے اک وفد نے وی وزیر اعلیٰ نال ملاقات کرغے بکھ بکھ معاملات تے معاملان ناں وزیر اعلیٰ غے باندے رکھیو جن ناں سُنن تیں بعد جناب عبدالله نے یقین دوايو ہے جے اُن غی طرفوں چایا گیا معاملان گو جلد ہی نمیزو کیو جے غو۔

Dy CM PUBLIC DARBAR

نائب وزیر اعلیٰ سُریندر چوہدری نے جاتے روز ضلع رام بن مانہ عوامی دربار منعقد کرغے لوکاں غی گل بات سُنی نالے گلی تیں کٹیری جان آلی سڑک غو درجو بدان بارے کم غو نین پتھر وی رکھیو یاد رہ جے یاہ سڑک عوامی کماں بارے محکمہ یعنی پی۔ڈبلیو۔ ڈی غی طرفوں تیار کی جے گی جس غی لہر نال عام لوکاں نانہ سڑک جیسی سہولیات میسر ہون غے نال نال اس موقع ور بولتاں واں نائب وزیر اعلیٰ نے عمر عبدالله غی سربراہی آلی حکومت مانہ تمام لوڑتی سہولتاں نانہ لوکاں غا بوہاں توڑی پوجان بارے حکومت غا وعدہ بارے وی گل بات کی ہے۔

PRAKRAM DIWAS

نیتا جی سبھاش چندر بوس غا ۸۲۱ ویں جنم تیاڑو منان غا سلسلہ مانہ پراکرم دیوس اج منایو جارہیو ہے واضع رہ جے ۳ تہاڑاں توڑی لگاتار جاری رین آلو یوہ پروگرام اڑیسہ مانہ منایو جے گو واضع رہ جے گزشتہ اتاریں وزیراعظم نریندر مودی نے مہانہ من غی بات پروگرام غے دوران بولتا واں نیتاجی سبھاش چندر بوس غی ملک غی خاطر دتی گئی قربانیاں ناں یاد کیو تھو من غی بات پروگرام مانہ وزیر اعظم نے ملک غا نوجوانان ور زور دتو ہے جے وے نیتا جی سبھاش چندر بوس غی زندگی بارے تفصیلی جانکاری حاصل کرغے اُن غا دسیا گیا رستہ ور چلیں تاں جے ترقی آلے پاسے اگے بدیو جاسکے۔